

Ministeere humaniinde Demal

LEYDI MALI

Leydi- Anniya- Bakkilal

Gollirde Sekentee Jeneral

DABAREEJI LEYDI MALI E BANNGAL AAWDI

(Fedde Ndema)

FIROOJI

Ko woliide aawdi fiirtata : Aawdi funngoori ana maanditiroo laataade: « Kala wabbere, kala binnde iriinde naa wudduure, kañum e kala ko waawi tuteede naa fudneede ko fodanaa aawtugol sii funngo so e laawol awra e so wanaa fuu. Dewtere moobere sariyaaji : nguure e ndema, lewru desammburu) (FAO 1977)».

« Kala awra naa tayre funngo so ana naftiree faa funngo aawta. (Walther P. Freistritder)».

Si'iiji aawdi:

- Aawdi layliiri (asuliiri); aawdi pudfirdi;
- Aawdi tabitinirdi;
- Aawdi ceedtinaandi Aawtiri 1 e Aawtiri 2.

Aawdi suɓaandi: Aawdi lobbiri suɓaandi woni aawdi:

- aawdi boldi, ndi walaa fuu ko jillie mum;
- fuddoori faa wooda;
- seniindi;
- laabundi, dum woni ndi waldaae tuundi fuu naa geeyi godfi;
- njoornaandi so reeniraa no woodiri;
- ndokkoori demoowo ko hasindini.

HOORE HAALA

Do Mali doo, leydi Saahal, 80% jamaa oo, ndema woni golle mum. Ndennoo hooreeve leydi ndii ana njogii goonga vamde anniya wazde ndema howru keval leydi ndii. Ko Sariya Onngirdo Ndema (LOA) e Golle jannjingol Demal Maaro, leydi men ndii doobi koo, ana kollita no oo anniya tekkiri.

Faandaaji ko anniya golleede e banngal ndema yo bannginde so njiiba e leydi ndii ndema kesa, beydoowa kebe, mballowal riiwtude talkaaku. Faa dii faandaaji njottee, ana haani ko naftirteede ndema lobbe piyanee dabere. Ana limtee e dee naftirteede, aawdi lobbiri subaandi. Ko aawdi daranii beydugol kebal e ndama koo ana annda sane. Naftiragol aawdi lobbiri subaandi ana walla sane beydagol kebe demal (iwde 30% yaade 40%).

Fuzzude nde leydi ndii vanti hoore mum e warde hannden, Gofornaman leydi Mali oo golli ko heewi yalla remooobe ana keba aawdi lobbiri subaandi. Baylite keewde ngadii e fedde aawdi ndee, kaa laawol balloowol heeññude remooobe banngal aawdi subaandi, ngol laawol darnaaka tafon.

Dow ko tiidallaaji keewdi kanndiima golle saakugol aawdiiji, e dow ko dii tiidallaaji ana kaani fiyaneede dabere, kañum e dow ko Sariya Onngirdo Ndema , e ley sariyaaji mum 109, 131, 132 e 141 ana teeltini jaagu e naftiragol aawdiiji lobbi cubaadi. Ndennee ana foti ko leydi ndii darna dabere ko haani golleede e banngal aawdi; Ndee dabere ana haani labbintinde ko haani golleede laamorde, cuudi golle, no golle jaarata e banngal jawdi.

Ndee-doo dewtere e do woo kabaaru nde feewniraa, kaa ende haani beydude woonneede ko booyataa koo faa caawki mayre fonnditoo ko woodi e jamaanu hannden oo.

Yalla kasindinal remooobe e aawdi cubaandi ana hebee faa heewa, ana haani ko golloobe jaagonotoobe hoore mum naanee e golle aawdi ndii, be mballe e mbaawki golle e faabamuya laamu.

FU'DDOODE

Dewtere ndee faandaa mayre yo hollitide dadareeji di leydi Mali fi'i e banngal aawdi; faandaa dabbaado oo yo , go'o kaa, tawreede tuugorde lobbere nde golloobe bee fuu tuugii, kañum e didoɓal mum wallude ndema Mali yirwa.

Dewtere ndee haala aawdi funngo haalata.

Keɓal leydi Mali ko buri fuu fawaade e mum yo golleeji kerdu, di jamaa njaarooowo pecce 80 e dow teemedere gollata. Ngedu golleeji kerdu e ley Keɓal leydi ndii ana yaha faa pecce 46 dow teemedere (e ley majje pecce 26 yo pecce ndema). Saabe darned mawnde nde ndema jogii e dow keɓal leydi ndii, dum wadi so Laamu oo, ley dii duubi 10 cakkitiidi dii, darni wattude jawdi mawndi e ndee-doo fedde golle yalla Mali ana laatoo leydi kaliindi e banngal ndema.

Oo anniya e banngal politikii hokkaama tabitidde e ley feewnugol talki onngirdi leydi Mali dii:

- gedal ndema e ley PDS: engal fodi, leydi ndii, feewde e hitaande 2012 waroyan hettude miliyooji 10 toonuuji nyamri hitaande fuu;
- e banngal CSCRP: o darnii iimorde , de so njottaama, dum wallan leydi ndii beydude ngalu mum;
- e banngal LOA: Ka sariya ana hollita no fedde ndema ndee haaniri jogireede e naftireede, eka yamiri gollirde aawdi dee ngadenee hakkile sane.

Bure ndema leydi Mali ana bangira e keɓe ñamri hono (maaro, mbammaari, mbayeeri/ gawri), dee keɓe laatiide nuuyle ndeenaagu leydi ndii e banngal nguure, beydonooje jamaa oo jawdi.

Ngammari darnde mawnde ndema joganii keɓal leydi ndii, CSCRP darnani beydaari keɓe leydi dee e banngal ndema iimorde dee- doo: ñamri njoorndi beydoroode gede 6%, marro: 9%. Hono no dum wiira dow too nii, hewtagol dee iimorde ana laatoo mballigu fedde ndema e beydagol keɓal leydi ndii.

Yottingol anniyaaji CSCRIP ebannal ndema ana habbaodii e remugol e naftiragol jirwungol aawdiiiji lobbi cubaadi.

Yirwugol kebe ndema e beydagol kebe leydi ndii waawaa yaade caggal baylirde kebal, ko heertii heen fuu aawdi.

Remugol, saakugol et jagagol aawdiiiji, so ana laatoo faa woda, so wanaa tawdee e feere nde gollobe mum bee fuu kawri e mum.

Taweede leydi Mali ndii fud'dii booyii golle aawdi oo fuu, feere aawdi nde golloobe bee fuu anndi so kawri e mum, walaa tafon; leydi ndii dabare dartiinde bannal remugol, haybugol, yeeyugol e saakugol aawdiiiji cubtaadi.

Feewnugol ndee doo dewtere hono oo golle humanii.

1. NO KABAARU OO WORRI:

Naftiragol jaajungol aawdiiji cuɓtaadi ana walla sane beydande ndema keɓal e hebtere. E dow mum aawdi cuɓtaandi ana laatii tuugorde aranere kala porogaraamu keydintinoowo so jannjina ndema.

Edum haani sane wadeneede hakkilo.

Darnde mawnde nde aawdiiji cuɓtaadi joganinoo beydugol keɓe ndema e keɓte mum yiyanooma ko ɓooyi, gila e ley duuɓi arani leydi ndii. Nii woni ko darniraa e ley IER (Gollirde Widto Keɓe Kerdu) Salndu Widtordu Ndema, Salndu Haybordur e Saakirdu Aawdiiji Cuɓtaadi, cuudi golle kumaninoodi remugol, saakugol e haybugol aadiiji cuɓtaadi.

Caggal ko Gollirde Jirwinird Kerdu (ODR) joyɣinaa ley duuɓi 1970 koo, kaɓum e caggal duuɓi kuurdi jokkondirdi yooro, kasindine e aawdiiji cuɓtaadi beydiima faa yaɓɓitii baawde sarawuusi SCSS.

Dow no kabaaru oo worri hannden nii, kasindinal keewngal e aawdiiji cuɓtaadi e jaarugol yeeso ndema leydi, ana wajimbinii fiide dabare no golle naftiragol aawdiiji fonnditiroo so beyda woodude. Dum wadi so e hitaande 1977 darna gollirde wi'eteende Gollirde Remirde Aawdi Cuɓtaandi (OPSS) humaniinde remugol, hawringol, reenugol e saakugol aawdiiji. Darnugol sariyaaji e haybugol heddoriima e juude sarawuusi kidɗo SCSS, inditiraado Fedde gollirde humaniinde Sariya e Haybugol Aawdiiji Cuɓtaadi (SR CSS).

Dow ko cadeele keewde ɓanngii e dow laawol golle sowntugol aawdiiji e dow faandaa ittude tiidallaaji kaɓɓiidi e hebugol aawdiiji cuɓtaadi, Dabare leydi ɓanngal Aawdi kollitoore ɗati cuɓanaadi aawdiiji cuɓtaadi feewnaama e hitaande 1987. Ndee dabare, naa oo pilan tabintini ɓangugol gollirde ɗiɗi (2) peewnitooje, juɓondirooje, jambinooje e kaybooje (Batu Leydi e ɓanngal Aawdi) egollirde wootere humaniinde yottingol golle, wi'eteende 'Sarawiisi Leydi Kumaniido Aawdi (SSN).

Ko gollirde Ministeere Humaniinde Yirwugol Kerdu mbaylita e ley kitaale 1980 koo, waddii banngingol e dow Yamiroore (Ordonnance N° 91-052/P-CTSP mo 21 lewru uttu 1991), Sarawiisi Leydi Kumaniido Aawdi (SSN).

Wakkati oo ana maanditorii pudfoode feere tottugol golloobe yoga e baawde banngal golle; ndeen sarwiisi fuddi darnude gollude kañum tan e hoore mum, fuddi battinde remooobe e golle naftiragol aawdi.

Fadde dee baylite wadude, porogaramuujji yirwere kebal e binngu-aadamaaku , tuugiidi tottugol baawde, haggitere Cuudi Baale Remooobe, peewnita tafon ; edi tuugii duu yammmbingol jodi golle e ñamlagol keredunkooobe jawdi gollirdi. Kasen duu peeje golle de laamu darni, hono ittude hoore mum e golloobe, haggitere laamu, nantaade e onngude no kebe njaarata e jiibugol fedde gollonoobe hoore mum'en, dee gade fuu mbaylitii faa mawni no sariyaaji e cuudi gollirdi kebe keredu yaarata.

Dee baylite, kañum'en poondi tuugorde golle SSN. Hannden SSN ana haani daranaade feccugol gede golle e ley jodol golloobe kabaaru aawdi, hollude gooto fuu ko haani daranaade, yalla e ko warata koo, golle aawdi ana heddo faa laaba e juude daraniibe ko'e mum, dum woni pirwe'en.

Sarawiisi Leydi Kumaniido Aawdi (SSN) gila nde joyYinaa ndee ana gollida e fedde kerdunkooobe, remooobe aawdi ceedtinaandi Aawtiri 1 e Aawtiri 2. Fedde remooobe ndee ana humanii hebbingol e saakugol aawdiji cubtaadi ceedtinaadi.

Widto wadaango e hitaande 1997 ana hollita dow ko jamaa oo hasindini e **banngal aawdi cubtaandi**, gede 15% hebetenoo e banngal gawri, mbambaari e mbayeeri ; gede 35% ko heedi e maaro yarneteengo e maaro ndunngu, 8% ; maaro nabbe naatooje ndiyam.

II. DALIILI GOLLE OO

Gollirde laamu de seeda tan mbaawi hokkude e kasindine keewde e ceertude golloobe kerdu e bannal **aawdi cubtaandi**; dum saabi so golloobe wobb'e ana teftiree aawdi.

Ko hedetee so ana naftiree e bannal aawdi cubtaandi beydiima sane: mbambaari, gede 35,35%; mbayeeri, 27,85%; gawri, 26,30%; tiggaa 21,92%; maaro ndunngu, 14,25%.

Njaayndi ko remiraa aawdiiji cubtaadi ana yaara hannden gede 25,11%, tawee ndi njaayndi burataano 10,22% hono no dum yaltirta e widtooji gadanoode e hitaande 2007, SSN,PAFISEM).

Yalla gese dee ana keba aawdi cubtaandi faa wooda ana haani ko ko dabareeji payee, golle mum dartiido e dumiido wadee e bannal remugol, haybugol, yeeyugol e saakugol aawdiiji dii wada.

E ley ngal bannal feewnude dabere no aawdi hebiree no yaafiri ana haani jaati.

Dabere ndee darnan sardiiji di ley mum golleeji remugol et saakugol aawdiiji dii anndinee.

Anndugol ndee dabere e gollude yalla ende tabita, sikke fuu walaa hen mballan yirwugol fedde ndema.

Dewtere ndee ana hollita no golle oo worri, laabi golle bamaadi e bannal aawdi, golloobe ley jodol aawdi ngol, peeje tabitinirde golle, **ko heeya golleede e no haybirtee e iimirtee.**

Ana haani ko hollitee duu kabaaruuji sariyaaji donnirdi gondi e talki naa dewte godde, dum fuu ana woodi e dabere naa politiki bannal aawdi.

Politiki peewniraado nii heban yakawere; o naannan baylite garooje bannugude e fedde ndem kaa yalla remooobe bee ana keba ko kasindini.

2.1. Ko semmbinta golle oo:

Ko semmbinta golle dabareeji di Mali fiyani aawdi ana hawri e ko jokki koo:

- woodugol Sariya Onngirfo Demal (LOA), sariya kokkudfo aawdi darned mawnde e ley golle ndema;
- anniya hooreeɓe leydi ndiidarnude sardiiji tekkudi banngal gollirde e sariyaaji baawdi wallude jodol golle aawdi yirwude;
- woodugol mbaawki golle e barkaani'en golle aawdi;
- woodugol keewngol e lobbol leydi ndemteendi e ndiyam;
- woodugol bale (kofertiifuuji) kumaniide golle aawdi;
- woodugol pelle yeeyooɓe newnirde ndema e remooɓe aawdiiji cubtaadi aawtiri 1 e aawtiri 2 e ko heewde e jaaññeli leydi ndii dii fuu;
- heewngol e seertugol jodi golle hono ndema, margol daabaaji e endistiri, gefe baawde wallude yirwere remugol e yeeyugol **aawdi cubtaandi**;
- anniya kaanankooɓe leydi Mali burɓe fuu toowude wafde Mali beembal hirnaangeeri Afiriki dow waawugol darnande bidde ndema luumo hakkunde leyde;
- laamu darnii moobtude Jawdi Leydi Keeyanaandi Yirwere Ndema e ley sariya LOA.

2.2. Ko warata ñaknude golle oo:

Gefe jokkude dee ana mbaawi ñaknude golle aawdi oo, dee ngoni:

- yimɓe gollonooɓe ko'e mum, pirwe'en an pamdi, keewaa e jodol golle aawdi ngol;
- famɗugol anndal e landinal e banngal gollooɓe ɓee;
- sariyaaji darnirdi e donnirdi fuu ana ñaki;
- golle aawdi oo wafanaaka dabere dumiinde moobirde jawdi gollirdi;
- jamaa oo anndaa darned nde aawdi cubtaandi darani beydagol keɓe ndema;
- famɗugol maɓɓe baawde banngal cooggu e kannduki neesuuji finaatawaa dii;

- ñakugol naa wasugol cuudi desirdi e deenirdi aawdiiji faa booya;
- dabere naa hiila mballowa sottoyde ko yowii e e kebe so aawdi cubtaandi naftiraama, sako so ñameele joođe dee so ndunngu woodi;
- woon e kulle demeteede de njoganaaka faa yoni aawdiiji cubtaadi;
- limte de statistiki hollata dee ana heewi ko de nganaa koolniide;
- famɗugol naatondiral so wallondira gefe kuurde e ley jodol golle aawdi; sabaabu mum yo rafi anndal e mbaaki golle;

III. ONNGOODE GOLLE AAWDI DEE:

Feewnugol politiki jirwinirdo aawdi woni kabaaru arano e golle yirwingol e wadangol fedde Ndema bure.

Ko leyde badiide dee fuu naatondiri so poondidi sariyaaji mum e banngal aawdi ana wajimmbini feewnude e bamude sariyaaji keertiidi dogooji e dow leydi ndii fuu.

Dabere heyre e banngal aawdi nde wallan golloobe dum bee laataade barkaani'en golle be ngallaa golle godde fuu so wanaa aawdi ndii, dum wallan duu ittude jodol golle aawdi ngol e juude laamu.

Faa dum tabita, onngoode politiki oo yo:

– heyñitaare e ndeenaagu e banngal nguure dow tuugaade beydagol dumiingol kettaari e jarugol bidde ndema;

– riiwtude talkaaku hakkunde remoobe;

– yammbingol hawjagol dumiingol jawdi leydi ley demal jirwungal gadanoowal hawaalu hakkile;

– ardingol Baale Golloobe Ndema tabitidde e jogiide semmbe.

IV. FAANDAAJI:

4.1. Faandaaji mawdi:

Fi'ugol dabbare e banngal aawdi, ko daɓɓata yo darnude gollirde de faandaa mum yo yuɓɓude faa gasa golle jodol golloobe aawdi dow gollidingol e biɓbe baale e gollonoobe hoore mum, pirwe'en.

4.2. Faandaaji keertiidi:

Faandaaji keertiidi dii yo :

- anndingol golle, yuɓugol e wallirgol kaalisi;
- heeyitagol golle remugol aawdi e yammbingol naftirol aawdi cuɓtaandi;
- naannugol golle remugol aawdi e fedde golle pirwe'en, gollonoobe hoore mum e jannjingol yeeytugol aawdiiji cuɓtaadi;
- sembinirde fedde golle ndee sariyaaji kesi joyɣinirdi e darnirdi;

V. FEEREEJI GOLLE (HIILAAJI GOLLE):

Tabintingol faandaaji limtaadi dii waawaa wadde caggal gollugol peeje golle jokkude dee:

1. Feewnugol e joyɣingol dati newnanirdi golle aawdi jawdi gollirdi dumiidi:

Dum yo kabaaru moɓugol Jawdi Leydi Faabordi Aawdi. Ndi jawdi ana faaboo ittande Suudu Leydi Reenirdu Aawdi Cuɓtaandi so kasaara wadii joondaraaka, yaltinde e saakude talki gollirdi aawdi cuɓtaandi e faabaade remooɓe aawdi anndinɓe mbonoraama golle.

2. Martingol kumpa faa yaaja dow sii aawdiiji e ko jogaa e banngal aadi cuɓtaandi cedtinaandi:

Golleji martinirdi kumpa ana kaani wadeede faa anndee siiji aawdi burdi fuu woodude, jogaadi yalla remooɓe ana naftoroo. Faa dum laatoo so wana talki

golle peewnee caakee e cuudi gollirdi yirwere e yeeytugol e luumooji aawdiiji dii e leyde demooje dee.

3. Heeyitagol golle aawdi asuluuri:

Koo o golle saawi yo darnude ko bale gollirde e remoobe pirwe'en bee kasindini e ley hitaande e banngal aawdi asuluuri yalla ana feewnee amaana gollidal.

4. Jaɓɓaade kala ko hasindinaa e banngal aawdi:

Hokkugol USB ñamaande faa gollira e wakkati remugol aawdi asuluuri ana laatii waajibi, so ana yidaa faa amanaaji golle dii njokkee, golleeji caggal kettal dii ngadee.

5. Banngugol so ñiiɓɓa golloobe aawdi pirwe'en e beydande be anndal:

Yalla remoobe aawdi ana beydane mbaawki golle, ana haani ko janndeeji keertidi, dewte mum peewnee

6. Jogaade tayoral aawdi cuɓtaandi cedtinaandi ana jogaa, ana remee:

Faa tayoree demal ngal wadan ana haani ko jodi remoobe R1 e remoobe R2 darnee, be ekkintinee golle oo, be mballiree kaalisi e kaaki gollirdi; Suudu Widtordu Aawdi nduu (LABOSEM) hokkee semmbe, wadane kaaki; golloobe bee mballoree cuudi desirdi e deenirdi aawdi cedtinaandi, kñum e moobude Jawdi Leydi ndii Heertinaandi Aawdi (faa wadee Ndesaari Reenirdi, jaddirdi kasaraaji, wallitirdi remoobe SCR2).

7. Darnude e tekkinde bale daraniibe golle banngal aawdi:

Faa dum laato, ana haani ko annde sii mballigu homo woni mo laamu waawi wadande golloobe pirwe'en yalla golleeji mabbe dii ana ndumoo.

8. Jogaade tayoral aawdi ceedtinaandi ana woodi e nokkuuje kala demeteede :

Ko waddata ngal tayoral yo darnugol Jodi golloobe yeeytotoobe Aawdi ceedtinaandi (SC), udingol bitikaaji coodtooji gollirde Ndema, bitikaaji daraniidi golloobe bee darnde kofertiifuuji, janningol saakoobe aawdi bee no golle aawdi jaarata e no gollirde aawdi haaniri mardeede e yeeytinireede.

9. Jogagol taʼoral dow martugol kumpa wakkati fuu e no duumirii woodugol aawdi ceedtinaandi e kasindine keertiide remooɓe

Jogagol taʼoral dow martugol kumpa wakkati fuu so ana laato ana haani ko feere golle bannagal anndugol kasindine e kulle jogaade wadee e ley sawiisiji laamu e jaaññeli. Waajibi duu, talki gollirdi siiʼiiji aadi peewnee, njeeytee.

10. Beydagol gollidal hakkunde wadɓe golle aawdi gollal mumʼen:

Laamu ana haani wallude bannaga waalde mawnde huuɓoore leydi ndii fuu e wallude waalde ASSEMA e bale godde gollooje aawdi, jooddoo, martondira kumpa ko heedi e golle jodol golle ngol fuu.

11. Wadangol fedde golle ndema aawdi ndee sariyaaji darnirdi, donnirdi e kaybirdi aawdi ceedtinaandi:

Wadangol fedde golle ndema aawdi ndee sariyaaji darnirdi, donnirdi e kaybirdi aawdi ceedtinaandi: waawaa wadde caggal ʼeewtagol sariya aawdi dogoowo joonin oo, bamirgol sariya arête sariyaaji gollirdi aawdiiji demeteede godde, joyʼingol Fedde Leydi Humaniinde Aawdi e heyɗintingol Dewte Laamu dow Siʼiiji Aawdi.

12. Immaade cubtotooɓe aawdi ɓee:

Immaade cubtotooɓe aawdi ɓee ana haani laataade yidde Duruwaaji Kettudo Sii aawdi, Talki Teddengal, Piriiji e ngeenaariiji goddi yalla ebe kumitoo e golle jodol aawdi ngol.

VI. KO HAANI GOLLEEDE:

Ko heexaa golleede ana wara laataade:

Feere gollleeji N° 1:

- Janngingol hawjotooɓe jannde no golle gollirde aawdi jaarata;
 - Feewnugol pilan (naa haatummeere golle) gollirde aawdi;
 - Teftande Fedde Aawdi Asuliiri (USB) jawdi gollirdi;
 - Joyʼingol Fedde Aawdi Asuliiri (USB);
 - Tayʼyande Fedde Aawdi Asuliiri (USB) ndee jawdi gollirdi;
- Hokkugol kaaki gollirdi Fedde Aawdi Asuliiri (USB) ndee e caldi mum

Feere gollleeji N° 2:

- Maartingol kumpa mawgol yalla si'iiji aawdi jogiidi bure dii ana anndee;
- Hollugol e ley beerti aawdiiji jogiidi bure dii;
- Waɗugol ñalaade keertiide hollugol golle;
- Saakugol faa yaaja talki golle aawdiiji jogiidi bure e ley gollirde yirwugol demal;
- Waɗugol luumooji jeeyirdi aawdiiji e ley Jaaññeeli leydi ndii;

Feere gollleeji N° 3:

- Anndugol kasindine e SB haddu hitaande iwruude e gollirde yirwere ndema, remonooɓe hooremum'en aawdi ɓee e kasindinal Ndesaari Reenirdi Leydi;
- Bamdugol amanaaji golle hakkude USB e gollirde wiɗtagol e yirwingol aawdi e bale remooɓe aawdi pirwe'en;

Feere gollleeji N° 4:

- Hokkugol gollirde USB ñamaande jawdi yalla ana heɓa moy'inde faa hey'a Aawdiiji Asuluuji (SB) keyanoodi waɗeede dii;
- Remugol so hetta Aawdiiji Asuluuji faa hawra e kontaraaji di USB naa caldi gollirdi mum naa gollooɓe remonooɓe hoore mum;
- Hawrugol e ko heɓa koo, o USB heɓi koo, caggal hettaama.

Feere gollleeji N° 5:

- Feewnugol janndeeji;
- Janngingol remooɓe aawdi (remugol kulle keertiide, landingol, resugol e reenugol, hawjagol gollirde...);

Feere gollleeji N° 6:

- Darnugol jodol remooɓe aawdi R1 e Jaaññelol fuu e R2 e kala serkel;
- Beydangol gollooɓe aawdi ɓee semmbe e banngal jawdi e mbaawki golle;
- Hokkugol LABOSEM gollirde e haggitinde gollleeji mum dii e nokkuuje keewɗe;
- Wallugol gollooɓe jodol aawdi e ley golle darnugol cuudi desirdi e deenirdi aawdiiji ceedtinaadi;

- Moobugol Jawdi Leydi Heertanaandi Aawdi (yalla Ndesaari leydi faa reena aawdiiji mum ana hebee, jaɓɓirdi kasaaraaji, jawdi kuynirdi golloobe SCR2)

Feere gollleeji N° 7:

- Subtagol sii mballiguuji di leydi waawi wallirdi fedde gollonoobe hoore mum'en yalla golle aawdi oo ana yaaja, dumoo;
- Wadde mballiguuji cubtaadi dii yalla golle aawdi oo ana yaaja, dumoo;

Feere gollleeji 8:

- Wallude uditinde bitikaaji newnirde golle aawdi gorrude ho no kofertiifu nii;
- Joyyingol jodol golloobe aawdi dujanaabe njeeyoobe aawdiiji ceedtinaadi wonbe e bale remoobe aawdi bee;
- Janngingol yeeytoobe bee dow no golle aawdi cubtaandi so seedtinaa yaarata, no gollirde ndee hawjortee so feeññiniree;

Feere gollleeji 9:

- Fiigol dabere no kabaaruuji aawdi anndiree e moobiree, no kasindine e bannal aawdiiji ceedtinaadi anndiree e nokkuje kala;
- Yeeytugol e saakugol talki nataadi e muulaadi dow si'iiji aawdi.

Feere gollleeji 10:

- Wallugol ASSEMA e bale golloobe aawdi godde dee faa joyyina joonndeeji martondiral kumpa hakkune wonbe e jodol golle ngol fuu;
- Wallugol yalla waalde Mawnde huuboore leydi ndii fuu ana joyyinee;

Feere gollleeji 11:

- Yeewtagol sariya donnoowa kabaruuji aawdi dow wadangol hakkille duruwaaji hettugol si'iiji aawdi e bamude sariya dekere kolloowo no sariya kaa donnirtee;
- Darnande demeteede ñameteede, demeneteede iisingaaji, demeteede sardiye, bidde ledde, ledde e hudooli, sariya no golle mum yaarata
- Joyyingol Fedde Mawnde Leydi Humaniinde Golle Aawdi (CNS);
- Heydintingol dewte laamu dow si'iiji demeteede ñameteede, demeneteede iisingaaji, demeteede sardiye, bidde ledde, ledde e hudooli;
- Feewnugol dewte no golle aawdi bidde ledde e naftiragol ledde yaarata ;

- Heydintinde sariyaaji golle demeteede ñameteede, demeneteede iisiinjaaji, demeteede sardiŋe, biɗɗe leɗɗe, leɗɗe e huɗooli;
- Hokkude dewte laamu aawdi dee semmbe sariya;
- Feewnude sariyaaji donnirdi kabaaru naannugol e naftiragol geeyi e aawdi OGM (aawdi baylitaandi) hollude ɗo ndi iwri e waɗande ndi talki annditirdi.

Feere golleeji 12:

- Darnude jeenirde hono Duruwa Kettuɗo aawdi, Teddinirde, Piriiji e ngeenaariiji godɗi.

VII. HAYBUGOL/ IIMAGOL:

Golleeji kaybirdi e iimordɗi ana ngara laataade :

- Joɗɗingol e semmbingol yuɓo gollirde kaybirde e iimorde jodol golle aawdi ;
- Moobugol, gollitagol e yeeytugol annde dow jodol golle aawdi ngol;
- Waɗde moobirde annde dow jodol golle aawdi ngol;
- Wattu e wattu iimade golleeji gollaadi ɗii, ngodi e yuɓo iimagol ngoo;
- Tewtugol gede baawɗe nabeede yeeso e ley golle oo yalla eɗum beyda woonnude mo;
- Martingol jamaa oo fuu kumpa dow ko golletee koo.

VIII. CEŊNDI CUUƊI LAAMU E BAALE GOLLIRƊE KABAARU AAWDI

Woodugol cuuɗi laamu gollirdi e bale golloobe yo waajibi e ley golle feewnugol, haybugol e iimagol politiki naa dabere kabaaru aawdi e leydi ndii. Yoga e ɗii cuuɗi naa bale gollirde ana ngoodi, kaa yoga e maaji puɗɗaali golle. Ɗi fuu golleeji majji ana kaani yeewteede, keyɗintinee faa ɗi keɓa beydude semmbe, ɗi keɓa wallude jodol golle aawdi ngol.